



XXI Festival Folclórico Internacional
Sábado 23 de agosto, 20:00 h

Ecos e agarimos
Peitieiros, Gondomar

Rancho Folclórico CCR
São Simão de Gouveia,
Amarante, Portugal

Pandereteiras
Airiños do Sobreiro
Borreiros, Gondomar

Xistra
Coruxo, Vigo

Peitieiros
Gondomar

 **Centro Cultural e Recreativo de Peitieiros**

MÉRCORES 20	XOVES 21	VENRES 22	SÁBADO 23
20:30h Celso Díaz Presentación Video sobre as Treboadas	20:30h Guillermo Ignacio Proxecto Elelelos da A. Retrouso de Cela	20:00h Patricia González Mostra Traxe tradicional	12:00-14:00 h. 17:00-19:00 h. Obradoiros música e baile cos grupos do festival 14:00- 16:00 h xantar

SEMANA CULTURAL DO XXI FESTIVAL FOLCLÓRICO INTERNACIONAL

O vindeiro sábado 23 de agosto, ás 20 horas, o Centro Cultural de Peitieiros, Gondomar, celebra o XXI Festival Folclórico Internacional. Como xa se fixo o ano pasado, como actividade previa ao Festival Folclórico, celébrase a Semana Cultural que comezará o martes 19.

Martes 19 ás 20:30 h: actividade de observación de estrelas no alto da Paraguda: o punto de encontro será no cruce entre as pistas da Paraguda, Camiño de San Xulian e pista do Aloia, entrando pola pista do Aloia, no alto de San Antoniño, a 2 km do cruce. Desde alí subirase andando pola pista ata a Paraguda (1km) onde se apreciará a posta do sol. Posteriormente terá lugar unha merenda-cea (cada quen levará a súa), agardando á noite. Cómpre levar roupa de abrigo, unha lanterna, un farrapo para deitarse no chan e coxín para quen precise.

Mércores 20 ás 20:30 h.: presentación do vídeo sobre treboadas de Celso Díaz.

Xoves 21 ás 20:30 h: presentación do proxecto Elelelos da Asociación Retrouso de Cela. A presentación será realizada por Guillermo Ignacio integrante do grupo Quempallou.

Venres 22 ás 20:00 h: realización dunha charla e mostra de Traxe tradicional a cargo da costureira Patricia González, pandereteira e integrante do grupo Zurrumalla.

Todos os actos, agás a observación de estrelas, terán lugar no Centro Cultural, ao lado da igrexa de vestixios románicos de San Miguel.

XXI Festival Folclórico Internacional:

Sábado 23: Nesta edición contarase coa presenza do grupo anfitrión, Ecos e Agarimos, que como en todas as edicións será o responsábel de iniciar o Festival. Ecos e Agarimos, cunha traxectoria de máis de vinte anos, é a escola de música e baile tradicional da parroquia. O evento contará tamén coa participación do Rancho Folclórico CCR São Simão de Gouveia, de Amarante, as Pandereteiras Airiños do Sobreiro de Borreiros, Gondomar, e poñerá o broche ao Festival o grupo Xistra de Coruxo, Vigo.

O Festival comezará xa ás 12 da mañá con obradoiros diversos de baile e música abertos á participación de quen quixer achegarse. Os obradoiros serán de 12 a 14 horas durante a mañá e de 17:00 a 19:00 pola tarde e serán impartidos polos propios grupos participantes.